



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 59. Omnia concordiae pacta accepto suppetiarum nuncio ab Helvetiis
rejecta

[urn:nbn:de:hbz:466:1-66414](https://nbn-resolving.org/urn:nbn:de:hbz:466:1-66414)

Secul. XVI.
A.C. 1515.

§. LIX.

*Omnia concordiae pacta accepto
suppetiarum nuncio ab Helve-
tiis rejecta.*

*Memoir. du
Bellai liv. 1.
Ferron. in
Franc. 1.*

Igitur Rex tot secundarum rerum concursu animatus, Lautreco negotium dedit, ut foederis pacta cum Helvetiis, quamvis hi illa nimium sibi proficua Vercellis proposuissent, nihilominus rata haberet; proin nihil propius videbatur esse, quam ut foedus jamjam maturum utrinque firmaretur; cum ecce! Helvetiis nunciatur, quod popularium suorum viginti millia, Rostio Tribuno ductore, in auxilium venirent; nec vanus erat rumor, quippe Rostius non modo advenit, sed etiam Albertum de Petra, qui cum suis Bernam revertebatur, in itinere obvium secum ad castra reduxit, proposito pinquissimæ prædæ, nec non immensæ gloriæ præmio ac spe. Helvetii his stimulis concitati Vercellense foedus interruperunt, ac suppetiarum, quæ ex Helvetia advenerant, fiducia animati, nec non pecuniis, quas ab Hispanis acceperant, aucti denuo Cardinalem Sedunensem magni habere cæperunt, polliciti, se Galeræ, quo jamjam pervenerant, nationis suæ auxilia præstolatos. Ceterum Franciscus I, quamvis foederis spe

deje-

dejectus esset, nihilominus expeditionis ^{Sæcul. XVI.}
 suæ cursum promovebat; opportune e- ^{A.C. 1515.}
 nim Papienses urbis suæ portas eidem
 ultro aperiebant; unde Ticinum amnem
 superandi occasionem nactus, nullo fer-
 me negotio ad Mediolanensem urbem
 processit, Trivulcio interea primam aciem
 illius suburbiis admovente; sperabat e-
 nim, hanc civitatem ultro Regis imperio
 sese subjecturam: Cives vero, ne in
 consiliis suis præcipites essent, Regi si-
 gnificabant, se nullatenus averso a Gallis
 animo, sed Maximiliani Sfortiæ metu,
 quominus Regi adhererent, prohiberi;
 tempore autem suo se sua in eum studia ac
 fervens Gallico imperio se devovendi
 desiderium luculenter testificaturos. Rex
 horum excusatione contentus, Biagras-
 sam progreditur, ut copias, quibus Ay-
 marus præerat, e dextra Padi ripa tue-
 retur; interea enim Cardonius Pro-Rex,
 Marco Antonio Columna cum valida
 militum manu Veronæ relicto, alterum
 ejusdem fluminis litus cum exercitu suo
 circumibat, eo fine, ut Liviano Veneti ex-
 ercitus Duci arrepti itineris consilium
 occultaret; demum vero ad Hostiliam
 fluvium Cardonius contendit, impositis-
 que pontibus trajecit exercitum, quem
 Papæ copiis Placentiæ conjunxit, cun-
 ctas denique vires Helvetiis Monzæ ag-
 gregaturus. Ast Livianus, qui a tergo

Sæcul. XVI. instabat, cuncta ejus consilia evertit, il-
A.C. 1515. lumque Padi trajectu interclusit.

§. LX.

*Hispanorum & Helvetiorum conjun-
 ctio præpedita.*

Postera die Gallorum exercitus castra metabatur Mariniani, quæ urbs est Monzam inter, ubi Helvetii stabant, & Placentiam, ad quam Cardonnius castra locabat, æquo intervallo discreta. Hoc castrorum situ utriusque exercitus conjunctio penitus prohibebatur, cum Cardonnius nullo pacto Helvetiis sese aggregare posset, quin prius Gallos, Venetosque proterreret. Ergo Fœderatis nil reliquum erat, quam ut ad Placentiæ moenia sese reciperent, eodemque loco castra munirent. Quapropter Livianus eos vallo suo nunquam excessuros ratus, totum Cremonæ tractum Laudam usque emensus est, nullo deprehenso hostium vestigio: Galli vero, Venetique, cum cunctando hostium suorum conatus eluderent, haud temere censebant, Helvetios, quod a Gallorum equitatu intra castra pertinacius cohibiti, contenti etiam prælio lacefferentur, tandem animo frangi, eo potissimum nomine, quod nonnisi octingentis levioris armaturæ equitibus a Sfortia suffulti, a Fœderato-